



Jens-Frederik Nielsen, Demokraatit
Inatsisartunut ilaasortaq
inatsisartut@ina.alla.gl

Ilaasut ingerlaqqittussat pillugit § 37 naapertorlugu apeqquteqaammut 2021-080- imut akissut

28-04-2022
Suliap normua: 2022 -9000
ID. nr. 75259227

Asasara Jens-Frederik

Inatsisartut suleriaasianni § 37 naapertorlugu ilaasut ingerlaqqittussat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Silarlunnerani assigisaanilluunniit pissutsit itsillugit angalasoq Air Greenland akiligaanik akunnittarfimmum inissinneqarallartariaqartarpoq. Tamanna tunggaviaglugu ima apeqquteqarusuppunga:

Apeqqut 1 a: Air Greenland 100%-mik akunnittarfimmum akiliisarpa, imaluunniit Namminersorlutik Oqartussanit sullissinissamut isumaqatigiissut aqqutigalugu ikiorserneqartarpat?

Apeqqut 1 a i: Air Greenland ikiorserneqartarsimaguni ikiorsiissut qanoq annertutigiva?

Akissut: Apeqqut 1-imut, taassumalu ataani tamatumunnga apeqqutinut akissut matuma kinguliani akissummi ataatsimi ataatsimoortinneqarput:

Tapiiffigineqanngitsumik angallaviit aammalu angallaviit kiffartuunneqarnissamut isumaqatigiissutit tunggavigalugit sullissivigineqartut immikkoortinnissaat pingaaruteqarpoq.

- Tapiiffigineqanngitsumik angallavinni unnuisitsinissaq nerisaqartitsinissarlu tapiiffigineqanngitsuni susassaqarfiuvoq, aammalu Nunap karsia tamatumunnga tapiissuteqartanngilaq.
- Angallavinni kiffartuunneqarnissamut isumaqatigiissuteqarfiusuni kinguaattoornerni, nerisaqarnermut ineqarnermullu ingerlatitseqqiinissaq aammalu aningasartuutit matussusernissaat, kiffartuunneqarnissamut isumaqatigiissut malillugu angallassisup akisussaaffigaa. Nunap karsia angallavinnut kiffartuunneqarnissamut isumaqatigiissuteqarfiusunut sullissinermut tamarmut Nunap karsia angallassisartumut tapiissuteqartarpoq. Kiffartuunneqarnissamut isumaqatigiissummi ilaasut pisinnaatitaaffii atugassarititaasutut allassimapput.

Taamaalilluni angallaviit angallassisartup aamma Namminersorlutik Oqartussat akornanni kiffartuunneqarnissamut isumaqatigiissutit naapertorlugit sullinneqartut iluanni piffissamik eqquisoqannginnerani unnuisitsinissaq nerisaqartitsinissarlu pillugit ilaasut pisinnaatitaaffiit atugassarititaasut kiffartuunneqarnissamut isumaqatigiissutini aalajangersagaapput. Atugassarititaasunut taakkununga, billetsinit isertitat aamma Nunap karsianit tapiissutit Namminersorlutik Oqartussanit kiffartuunneqarnissamut isumaqatigiissutinut tapiissutigineqartartut ataqatigiissinnerisigut, angallassisartut akilerneqartarput.

Unnuisitsinermut nerisaqartitsinermullu angallassisumut kiffartuunneqarnissamut isumaqatigiissut malillugu tunniunneqartartut aningaasartai aalajangersimasut naatsorsorneqarsinnaanngillat. Tamatumunnga pissutaavoq, unnuisitsineq nerisaqartitsinerlu isumaqatigiissutit ataatsimoortut, ataatsimoortumik tapiiffigineqartartut, ilaattut ilaatinneqarmata. Naalakkersuisut akissuteqarnermut matumunnga atugassamik Air Greenland unnuisitsinermut nerisaqartitsinermullu aningaasartuutai pillugit aperineqarpoq aammalu tamatumunnga akissut manna tiguneqarpoq:

"... Air Greenland akunnittarfimmi unnuinermut, najukkami assartuinerlut, nerisaqartitsinermut kiisalu ilaasut angalanerminnut atatillugu angallavitsinni arlaannik pissuteqartumik taamaatitsinernik, kinguaattoornernik assigisaannilluunniit eqqugaasut taarsiiviginissaannut, ukiumoortumik marlunnik kisitsisitalimmik millioninik aningaasartalimmik annertunerusumik toqqaannartumik aningaasartuutinut akiliisarpoq."

Apeqqu 2. Silarlunneq imaluunniit assingusut peqqutigalugit akunnittarfinni unnuisariaqarsimanerit ukui ukunani qassit pisimappat; 2017, 2018, 2019, 2020 aamma 2021?

Apeqqu 2 a. Allattorsimaffinngorlugit takutinnissaanik Naalakkersuisut peqquneqarput, taakkunanilu akunnittarfinni unnuisariaqarnerni akunnittarfiit sorliit atorineqarsimanersut, ullullu qassit angalasumit atorineqarsimanersut.

Akissut: Apeqqu 2-mut taassumalu ataani tamatumunnga apeqqutinut akissut matuma kinguliani akissummi ataatsimi ataatsimoortinneqarput:

Kalaallit Nunaanni unnuisarfinnik neqerooruteqartut assigiinngitsut arlaqarput. Pisortat iluanni Kangerlussuarmi, Narsarsuarmi, Qaarsuni aammalu Nerlerit Inaanni unnuinissamik Mittarfeqarfiit neqerooruteqarpoq. Air Greenland Ilulissani unnuinissamik neqerooruteqarpoq, tamatumalu saniatigut suliaqartut namminersortut arlallit akunnittarfimmik ingerlatsisuupput, assersuutigalugu Ilulissani, Qaqortumi aamma Kulusummi.

Neqerooruteqartartut taamatut assigiinngitsuuneranni, namminersortut aamma pisortat suliffeqarfiisa illuanni ingerlatsinermut tunngasunut nassuiaanissamik qinnuiginninnertut apeqqut isikkoqalerpoq. Taakkua paasissutissaapput Naalakkersuisunit pigineqanngitsut, taamaattumik apeqqut kissaatigineqartut akissuteqarfigineqarsinnaanngilaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen